



Norges- vassdrags og energidirektorat

Vår ref.
21/12914-17/N-541/JONE

Dykkar ref.

Dato:
16.02.2022

Bergdalsvassdraget -uttale i frå Kvam herad

Heradsstyret i Kvam har i HST-sak 010/22 gjort fylgjande vedtak

Kvam heradsstyre har følgjande uttale til vilkårsrevisjon for Bergdalsvassdraget og Torfinnsvassdraget:

Pkt 1.

Regulering av Hamlagrøvatn:et:

- a. naturleg vasstand 587,7 moh.
- b. vestre del regulert frå 588 til 560 moh.=28 m.
- c. austre del regulert frå 588 til 570 moh.=18 m.

Regulanten må påleggjast å endra manøvreringsreglementet slik at tappinga i Hamlagrøvatn vert avslutta 1. mai, mot 15. mai som i dag, medan tapping startar opp att 1. september som i dag (sommartapping). Dette vil gje ei raskare oppfylling og gje ein vassbank som kan sikra minstevassføring på anadrom strekning og køyring av lokkeflaumar. Minimum vasstand før tapping om sommaren bør vera 585, mot 584 i dag.

Pkt 2.

Det må krevjast alternative tilkomstløysingar frå parkeringsplassane på nordsida av Hamlagrøvatnet til Søre Hamlagrø og Kyrkjevika, som kan nyttast heile året. (Dette gjeld tilrettelegging for kryssing av elvar langs sørsida av Hamlagrøvatnet og tilrettelegging i området ved Lomatjøn, spesielt i vinterhalvåret. Tilrettelegging må skje i lag med grunneigarar og vel/hytteforening)

Pkt 3.

Botnadalsvassdraget:

Kvam heradsstyre bed NVE pålegge regulanten å sikre at det alltid er vatn i Botnadalsvassdraget, også i tørre periodar. Det må utførast biotopforbetrande tiltak i elveløpet: sikring av tersklar, kulpar, sikre fagleg god skjøtsel av kantvegetasjonen i elveløp som vert påverka av kraftproduksjonen. Erosjon og skader påført som følge av endra vassføring i elva skal også utbetreast.

Kvam heradsstyre ber NVE vurdere moglegheiten av å pålegge regulanten vannslepp i Botnaelva i særlig tørre perioder, for å unngå tørrlegging av vassdraget. Ein ber om at det vert vurdert å gjera dette vassleppet frå tunnel mellom Songrø og Kvålsdalen. Eigna stad for dette er tverrslag på overføringstunell, som kjem ut ved det gamle elveløpet.

Pkt 4.

Vurdering av tersklar. Det må utarbeidast ein terskelplan der alle gjeldande tersklar, nye tersklar, steingrupper, kulpar og andre tiltak, vert vurdert etter funksjon og behov. Regulanten må bidra i overvaking av gytefisk, ungfisk, botndyr og vasskjemi.

Kvam heradsstyre ber og spesielt om at vannspeglet for vatnet i Songrø i perioden 1 juni til 30 september vert halde 30 cm over LRV (lågast regulert vannstand) for å førebyggja turrlegging i øverste del av vatnet. Ein ber og om at etter ny tunnel frå Svartavatn til Torfinnsvatnet er sett i drift, vert gjort ny vurdering av vannspeglet i Songrøvatn.

Pkt. 5

HMS og teknisk stand på infrastruktur som tilhører heile konsesjonsområdet. Kraftproduksjonen skal i størst mogleg grad ikkje gå på kostnad av anna bruk av område til rekreasjon, ferdsel og bruk av utmarksbeite. Anlegg skal alltid vere i god teknisk stand og HMS-vurderingar gjennomført i høve bruken. Me peikar konkret på desse områda:

- Terskel ved utløp av Songrøvatnet til tunnelen skal utbetrast
- Tunnelløpet frå overføringstunnelen frå Tjødnadalen til Breisete og Breisete Lomatjødn må sikrast. Usikra DNT-sti over det eine tunnel innløpet må sikrast på ein tilfredsstillande måte for sikker passering. Hendelser ved smalajag i overføringstunnelen Breisete- Lomatjødn med tap av dyr er døme på uakseptabel risiko og dårleg dyrevelferd, og sikringstiltak må gjennomførast permanent - fortrinnsvis i samarbeid med næringa.

Pkt.6

Fiskefonda vert vidareført i den nye konsesjonen.

Pkt. 7

Kvam heradsstyre støttar nabokommunane sine uttalar, og ber om at NVE vektlegg uttalane frå kommunar, grunneigarar og organisasjonar i vidare revisjonsprosess

Oversendinga vert sendt med atterhald om godkjent møteprotokoll.

Helsing

Jon Nedkvitne

Sjef for samfunn, næring og kultur
Telefon: 979 53 274

Brevet er godkjent elektronisk og har derfor inga underskrift.

Mottakarliste:

Norges- vassdrags og
energidirektorat

Kopi til:

Norges Vassdrags- og
Energidirektorat (nve)

Postboks 5091 Majorstua 0301 OSLO

Vedlegg

16.02.2022

Tittel

Kvam herad - uttale til revisjonsdokument for Bergsdalsvassdraget og
Torfinnsvassdraget